

執錄祀符超法界 參朝金闕觀天顏
舉極樂頌送 向來
焚燎

玉籙濟幽判斛儀

太上黃籙齋儀卷之一

唐 廣成先生 杜 光庭 集

頁一

第一日清旦行道儀舊儀今齋王每日投建齋時已投詞祈告若每日重疊即於禮為繁今止一度餘日並停

衆官列位旛節香案肅整於玄師前

立定

唱道場衆等人各運心歸命三寶一

切念

華夏讚引至地戶華夏讚出玉置明耳盡聲

啓堂頌

勤行奉齋戒 誦經制六情 故得乘空飛

耀景上玉清 精心奉經教 吐納鍊五神

功德冠諸天 轉輪上成仙

入戶呪至地戶之左

四明功曹通真使者傳言玉童侍靖玉女為

我通達道室正神上元生炁入我身中

華夏讚引入壇昇天門上十方香東方

始為

至御案三上香

上香密呪

玉華散景

各禮師存念如法法師臨目存見太左右龍虎千乘萬騎三界尊靈聖真侍衛羅列在座乃為弟子奉陳齋意

師得仙道我身昇度決思藉師次思次思經師太上之右心拜三過願

度師願念如初夜法次思青雲之氣而滿齋堂青龍獅子備作前漢山童

兵馬九天仙地仙飛仙日月星宿五帝玉女九使真騎監齋直事三界官屬

雲之昇青龍獅子存青炁中天仙地仙飛仙五方五帝兵馬臣履齋主家

大小之身又思五臟五腑五帝如初法夜

衛靈呪

金真綠霞 煥映三天 飛雲丹霄

諸天控輶 晨輝啓旦 陰翳俱消

九微震空 五星回旋 萬仙應感

自然妙玄 杳冥散景 分形億千

蒙昧光曜 瑞降壇乾 生死蒙恩

灌鍊金泉 魔王恐懼 合景三田

鳴法鼓二十四通

發爐

元上三天玄元始三炁太上老君召出屋等

身中三五功曹左右官使者侍香金童傳言
玉女五帝直符直日香官使者各三十六人
出當召此間土地里域真官正神速出關啓
臣今正爾燒香奉為某官某乙為國為家修
建無上黃籙大齋若干日夜願得太上十方
正真生炁降流入臣等身中所啓速達上御
至真无極大道玉皇上帝御前人各

衆官長跪法師鳴法鼓二十四通出
吏兵上啓

謹出臣等身中五體真官功曹吏出无上三
天執法開化陰陽功曹度道消災散禍解厄
君吏各十二人出臣等身中治職君吏其治
建節監功大將軍前部効功後部効殺驛庭
令驛庭丞四部監功謁者臣等身中仙靈直
使正一功曹左右官使者陰陽神決吏科車
赤符吏剛風騎置驛馬上章吏官各二人出
出者嚴裝顯服冠帶垂纓整其威儀直使功
曹戴通天之冠衣皂紬單衣正一功曹冠朱
陽之幘絳章單衣治病功曹冠九德之冠五
色綬命單衣腰帶虎符執玉版直使功曹

住立四方正一功曹住立中央治病功曹營
衛臣等身中左官使者建節在前右官使者
持幢在後陽神決吏立左陰神決吏立右
部功曹住立上方中部功曹住立臣等身中
促氣功曹催促十方上部使者遠望上天中

部使者遠瞻八方都官使者而逸臣等身即
吏虎賁察姦鈞騎都官僕射天丁力士天驕
甲卒收氣食氣吏收神食神吏收鬼食鬼吏
收邪食邪吏收精食精吏收毒食毒吏諒符
破廟吏科車赤符吏剛風騎置驛馬上章吏
飛龍騎吏等屯住臣前後左右功曹使者嚴
裝事竟羅列鹵簿關啓靈寶官領仙監齋
君吏天師所布二十四治三十六靖廬七十
二福地三百六十名山崑崙等上宮三萬六
千神日月星宿璇璣北辰天地三界官屬君
將史兵道上二玄三元四始四面方位風炁
注炁甲子諸官君將吏考召君東九夷胡老
君南八蠻越老君西六戎氏老君北五狄羌
老君中央三秦倫老君五嶽四瀆五岳君諸
廟神所在高山山林溪谷山林孟長十二溪

女根源本始土地之主社稷將吏一時嚴裝
與臣等身中功曹使者飛龍騎吏上啓

太上无極大道太上大道君太上老君太上
丈人无上玄老十方无極大道道德衆聖天
尊至真太帝天帝天師君靈寶監齋大法師
諸官君臣等生長浮俗軌染膏塵三業繫牽
六情飄浪叨逢至化得遇真師開三清衆妙
之門演八景長生之旨澄清愆海拯擢愛河
佩奉龍文秉修神錄弘道贊法佐國度人救
物立功齋戒為本今有某官某乙上惟邦國
旁及幽明請福祈恩歸心十極請修无上黃
籙大齋伏聞三洞寶經靈仙品格无上妙法
黃籙寶壇通聖降真法天象地保安家國君
臣蒙扶祐之恩濟拔存亡生死荷護持之力
開九龍符命則地獄清閑勅五帝威神則天
闕朗晏功高萬法澤普羣生是敢依按玄科
齋持法信香花油燭紋綵金龍効信十方盟
心三界臣等奉承聖教恭職玄司凡有所祈
理宜關奏今謹洗心靜念沐浴清虛建修黃
籙大齋懺謝於三光之下若干日夜歸命至

真為某拔度存亡離苦昇樂和寬釋對解厄
消災禳上請三洞天仙兵馬飛仙兵馬地仙
兵馬真人兵馬神人兵馬日月星宿兵馬九
官五帝兵馬三河四海兵馬各九億萬騎監
齋真事三十二人侍香金童三十二人散花
五女三十二人五帝直符傳言奏事飛龍騎
吏等各三十二人一合來下主為某乙監臨
齋所上安國祚保祐羣生拔度億曾萬祖幽
魂苦與斷絕惡對身入光明永出三途超離
五苦歸命

十方无極世界已得道大聖乘至真諸君丈
人乞解厄除災延生保命過度三災八難衆
惡之中保國軍家普及含識須行道事說有
功勤者謁言仙官功曹使者飛龍騎吏分別
關奏以時上達列啓事竟各還臣等身中復
於宮室須召又到一如故事單叩齒三通
儀經

各稱法位東官密編
已法位也
上清玄都大洞三景弟子无上三洞法師奉
行黃錄大齋法師某徽先生某帝真人臣某

謹同誠上啓

虛无自然元始天尊元極大道太上大道君
太上老君高上玉皇十方已得道大聖乘至
真諸君丈人三十二天帝君玉虛上帝玉帝
大帝東華南極西靈北真玄都玉京金闕七
寶玄臺紫微上官靈寶至真明皇道君三十
六部尊經玄中大法師三界官屬一切真靈
等億劫良因生值大化玄真於拔得處玄
門三師盟授三寶真經法曆度人九萬九千
位登至真而功微德薄未能自仙乘愆蹈過
在再塵寰但受法之初盟告三界的當度人
濟物立功為先凡所歸依理宜關奏今奉詞
旨敢不上聞

讀詞

素如詞言骨椎虔懇齋主以宿承福慶履品
人倫為國為家思崇福祉仰慮億曾萬祖十
世神儀處世之時通允增積輪迴長夜解拔
無由欲報洪恩昊天罔極伏聞虛无大道履
育羣生无上法王諸天大聖垂慈救之澤啓
黃錄之科懺謝十天披心八極丹誠歸向萬

罪瑣消謹依女科奉齋金龍紋繒本命之信
香花油燭表信効誠請拔存亡以祈玄祐
等謹為澄神靜念滌慮冥心依黃籙簡文靈
仙科典超度存歿敷建靈壇四界八極法天
象地立齋行道燒香然燈披明真玉匱之文
破幽夜泉窟之苦拔除罪網拯濟迷津以今
清旦行道初捨上香供奉至真无上道寶歸
身歸神歸命大道臣等首體投地歸命

太上三尊以是功德奉福齋主某家億曾萬
祖一切靈儀解脫三途超離六趣度十方世
界苦惱之根出入門幽曠塗炭之境託影玉
城遊神紫闕寶林彌覆功德熏修早入慧源
克成仙道今故燒香自皈依師尊大聖乘至
真之德得道之後昇入无形與道合真
二捨上香供奉至真无上經寶歸身歸神歸
命大道臣等首體投地歸命

太上三尊以是功德奉福
宗桃先聖社稷尊靈風曆悠長龍圖永固
皇帝聖躬納祐國祚延洪化被華夷功高軒
燧皇后坤儀並著母德選宣太子諸王承乾

繼聖公卿臣佐中外職察潤色帝猷恢弘大業億兆臣庶各保物宜惟孝安家惟忠報國周天分地擊壤安歌秋孽不興穀稼時給九圍共軌四海同文學道門人隱居林澤宣道贊法勇猛精勤得一冲真通玄合道今故燒香自歸依師尊大聖乘至真之德得道之後昇入元形與道合真

三捻上香供養至真无上師寶歸身歸神歸命大道_臣等首體投地歸命

太上三尊以是功德歸流奉福齋主某已身親姻各使神安體豫罪滅災消憂患不侵夢寤真正轉其報質遂等金妾延其促齡方成久視少私寡欲行合自然貴而不驕富而知足六親長幼九族宗姻求保利貞同居勝善運心同義咸享福綠水陸飛沉有情含識九幽六道六趣三途離苦生天和寃釋對得度三災萬禍刑厄之中福業普興善功昭著今故燒香自歸依師尊大聖乘至真之德得道之後昇入元形與道合真

禮方隨方儀備二十方或都識五段儀出下卷

各思九色圓象無液命魔密呪法師門之上都講立天門之上法師存日月及項後九色圓光映照內外如存神圖訣畢叩齒三通齊呪曰

黃中策杰斬妖宗察制強精斷邪翁太上有命太上房急召北帝詣五宮受承威今宣魔王五帝符變與命衝秘藏五文方就隆三天運明六天運終賢者哉此呪密念不得令已之慎耳聞連之有各責慎

步虛旋遠

旋行躡雲網 乘虛步玄紀 吟詠帝一尊
百關自調理 俯命八海童 仰攀高仙子
諸天散香花 蕭然靈風起 宿願定命根
故致標高擬 歡樂太上前 萬劫猶未始

又

嵯峨玄都山 十方宗皇一 岌岌天寶臺
光明焰流日 燦燦玉林華 蒨瓊羅朱實
常念養元精 鍊液固形質 金光散紫微
窈窕大乘逸

仰存太上 華景秀丹田 左顧提鬱儀

右瞻搏結璘 六度觀梵行 道德隨日新
宿命積福應 開經若至親 天挺超世才
樂誦希微篇 冲虛太和氣 吐納流霞津
胎息靜百關 家家究三便 泥丸洞明鏡
遂成金華仙 魔王敬受事 故能朝諸天

皆從齋戒起 累功結宿緣 飛行凌太虛
提携高上人

三啓

樂法以為妻 愛經如珠玉 持戒制六情
念道遣所欲 淡泊正氣停 蕭然神靜默
天魔並敬護 世世享大福

三禮

等志心稽首禮
太上元極大道

等志心稽首禮
三十六部尊經
等志心稽首禮
玄中大法師
重稱法位

具位某謹同誠上啓

太上无極大道元始天尊太上大道君太上老君十方无極大道道德衆聖天尊至真太帝天帝三十六部等經玄中大法師上相上宰四司五帝三界官屬一切具靈臣等陶質二儀植因萬劫叨承道化未悟至真徒以佩奉玄經宗修秘於功未加於動植過已積於丘林常懼運終受責幽夜而告盟之日以弘濟為先宣道度人佐國行化冀神微效以副元慈今齋主皈命上真虔誠大道上惟國祚爰及存亡報君親煦育之恩念幽夜輪迴之苦齋持信誓崇建道場謝已往之愆取所將來之福祉翹懇懇敢不上聞是用率勵法徒按依科格施壇列祭法地象天灑懇上玄冥心至聖伏冀虛无大道寡靡高尊憫鑒丹誠滂流玄澤勅四司五帝三界威靈垂變化之功拂煙雲而降祉播昭彰之力隨祈懺以齊臨開重泉積夜之庭釋幽獄窮魂之苦出離陰府超著天衢悟法開經參玄證道齋主共家九親眷屬過往見存三業罪消六塵障滅天羅地網不為三命之災暗曜明星求息

五行之厄神真祐護福壽增延上冀國祚無疆帝圖永鎮聖躬萬壽比山嶽以巍我廣澤滂流配滄溟而浩蕩萬方柔順八極昭融三光循軌於元天百穀滋豐於率土境無烽燧俗有謳歌天下太平羣生遂性洎諸幽顯普及沉潛齊陔兵階俱昇福岸上明
臣等歸命之誠謹啓以

發念

一念天地交泰二念日月貞明三念陰陽順序四念國土安寧五念帝王景祚六念宰輔忠貞七念萬姓安樂八念百穀豐盈九念幽途離苦十念大道興行

復爐

香官使者左右龍虎君侍香諸靈官當令臣行道之所自然生金液丹碧芝英百靈衆具交會在此香火爐前十方仙童玉女侍衛香煙傳奏臣向來所啓徑達

出堂頌

至真无極大道玉皇上帝御前禮三行

夙世恩德報道心超然發身飛昇仙都七祖咸解脫

出戶

出陰入陽萬神開張關啓事畢請開皇房侍靖玉女明備神宮單便出戶右凡先出

回師

監齋糾過
 朝儀事畢衆官普揖

太上黃籙齋儀卷之一